

## UPUTSTVO ZA PACIJENTA

*Prije upotrebe pažljivo pročitajte ovo uputstvo!  
Uputstvo sačuvajte. Možda ćete željeti ponovo da ga pročitate.  
Ako imate dodatnih pitanja, obratite se svom ljekaru ili farmaceutu.  
Ovaj lijek je propisan lično Vama i ne smijete ga dati drugome.  
Drugome ovaj lijek može da škodi, čak i ako ima znake bolesti slične Vašima.  
Ako primjetite bilo koju nuspojavu, potrebno je obavijestiti ljekara ili farmaceuta.*

### **CORRIGO** **5 mg tableta** neбиволол

#### **Sadržaj uputstva:**

1. Šta je **CORRIGO** i za šta se koristi
2. Prije nego počnete uzimati **CORRIGO**
3. Kako uzimati **CORRIGO**
4. Moguća neželjena djelovanja
5. Kako čuvati **CORRIGO**
6. Dodatne informacije

#### **1. Šta je CORRIGO i za šta se koristi**

**CORRIGO** tablete sadrže neбиволол, kardiovaskularni lijek koji pripada grupi selektivnih blokatora beta adrenergičkih receptora (lijekova koji selektivno djeluju na kardiovaskularni sistem).

**CORRIGO** tablete se koriste za tretman:

- esencijalne hipertenzije (povišenog krvnog pritiska) ili
- blagog do umjerenog hroničnog zatajenja srca kao dodatak standardnom liječenju kod bolesnika u dobi od 70 godina ili starijih.

#### **2. Prije nego počnete uzimati CORRIGO**

##### **Nemojte uzimati CORRIGO**

- ako ste alergični na aktivnu supstancu neбиволол ili bilo koji od sastojaka **CORRIGO** tableta (Vidi dio Dodatne informacije)
- ako imate nizak krvni pritisak
- ukoliko imate simptome poremećaja periferne cirkulacije (bol i hladnoća šaka i stopala, blijedo-modra boja kože)
- ukoliko imate tešku bradikardiju (broj otkucaja srca u minuti manji od 60)
- ukoliko imate druge ozbiljne poremećaje srčanog ritma (atrioventrikularni blok drugog i trećeg stepena, poremećaje provođenja)
- ukoliko imate akutne znake popuštanja srčane funkcije ili kardiogeni šok (hladna i blijeda koža, pad krvnog pritiska, lupanje srca, ubrzano disanje, smanjeno stvaranje urina - simptomi se razvijaju u toku nekoliko sati) jer takav oblik srčanog zatajenja zahtijeva intravensku terapiju za poboljšanje rada srca
- ako imate astmu (otežano disanje praćeno zvižducima u plućima uz produžen izdisaj nakon izloženosti određenom alergenu) ili grč disajnih puteva
- ako imate neliječeni feohromocitom (tumor nadbubrežne žlijezde)
- ako imate ozbiljniji poremećaj jetrene funkcije
- ako imate znake metaboličke acidoze (produbljeno disanje koje može dovesti do gubitka svijesti a nastaje usljed popuštanja funkcije bubrega, neliječene šećerne bolesti ili trovanja nekim lijekovima)

##### **Budite oprezni sa CORRIGO-m**

Obavijestite Vašeg ljekara o svim zdravstvenim problemima koje imate ili ste imali, kao i o svim alergijama.

Obavijestite Vašeg ljekara ako imate:

- usporan rad srca ili poremećaj periferne cirkulacije, npr. Raynaudova bolest ili sindrom, bolovi nalik grčevima dok hodate
- stabilnu (bol ili nelagoda u prsima koji se javlja kao posljedica fizičke aktivnosti, promjene temperature prostorije/okoliša, psihičkog uzbuđenja ili uzimanja hrane) ili nestabilnu Prinzmetalovu anginu pektorisa (bol ili nelagoda u prsima se javlja učestalo i ne samo kao posljedica fizičke aktivnosti, promjene temperature prostorije/okoliša, psihičkog uzbuđenja ili uzimanja hrane, kao što je slučaj kod stabilne angine pektorisa)
- neliječeno hronično zatajenje srca
- blaži stepen poremećaja srčanog provođenja (srčani blok prvog stepena)
- otežano disanje praćeno zviždanjem u grudima
- šećernu bolest jer upotreba neбиволола može prikriti simptome sniženog nivoa šećera u krvi (lupanje srca, osjećaj gladi, drhtanje, vrtoglavica)
- pretjerano aktivnu štitnu žlijezdu: ovaj lijek može prikriti znakovne nenormalno ubrzano pulsa uzrokovanog tim stanjem
- alergiju: ovaj lijek može pojačati reakciju na polen ili na druge supstance na koje ste alergični
- psorijazu (hronično kožno oboljenje koje se manifestuje crvenim mrljama prekrivenim bijelim ljuskicama)

- u skorije vrijeme zakazan operativni zahvat koji iziskuje uvođenje u anesteziju, prije anestezije uvijek obavijestite anesteziologa da uzimate **CORRIGO** tablete.

Ako imate ozbiljne probleme sa bubrežima, nemojte uzimati **CORRIGO** za liječenje zatajenja srca i obavijestite ljekara. Iskusan ljekar će Vas na početku terapije hroničnog zatajenja srca redovno pratiti (vidjeti dio 3).

Liječenje ne smijete naglo prekinuti, osim u slučaju kada postoje jasni razlozi i kada to procjeni Vaš ljekar (vidjeti poglavlje 3).

#### **Djeca i adolescenti**

**Ne preporučuje se primjena CORRIGO tableta kod djece i adolescenata radi nedostatka podataka o korištenju lijeka u tim dobnim grupama.**

#### **Uzimanje drugih lijekova sa CORRIGO-m**

Uglavnom, **CORRIGO** tablete mogu se uzimati s drugim lijekovima. Međutim, važno je da obavijestite Vašeg ljekara o drugim lijekovima koje uzimate, uključujući i one koji se izdaju bez recepta, jer neki lijekovi mogu uticati na djelovanje drugih. Za propisivanje ispravne doze **CORRIGO** tableta, posebno je važno da Vaš ljekar zna da li uzimate:

- druge lijekove za liječenje povišenog krvnog pritiska (klonidin; metildopa; gvanfacin; moksonidin; rimenidin; selektivni blokatori kalcijevih kanala- diltiazem, verapamil, nifedipin, amlodipin, felodipin, lacidipin, nikardipin, nimodipin, nitrendipin)
- lijekove za poticanje rada srca (digoksin)
- lijekove za liječenje nepravilnog ritma rada srca (amiodaron, lidokain, flekainid, kinidin, cibenzolin, dizopiramid, hidrokinidin, meksiletin, propafenon)
- lijekove za liječenje psihičkih poremećaja (fenotiazin, barbiturati)
- antidepresive (amitriptilin, paroksetin, fluoksetin)
- lijekove koji se koriste tokom operacije za anesteziju
- lijekove za astmu, začepljen nos ili određene poremećaje očiju poput glaukoma (povišeni pritisak u očima) ili za dilataciju (širenje) zjenice
- baklofen (lijek protiv grčeva); amifostin (zaštitni lijek koji se koristi tokom liječenja karcinoma)
- lijekovi koji snižavaju šećer u krvi (oralni antidijabetici ili inzulini)
- lijekovi za liječenje prekomjerne želučane kiseline ili za liječenje ulkusa (antacidi) npr. cimetidin: **CORRIGO** tablete trebate uzimati za vrijeme jela, a antacid između obroka.

#### **Uzimanje hrane i pića sa CORRIGO-m**

Lijek **CORRIGO** možete uzeti prije, za vrijeme ili poslije obroka, ili nezavisno od obroka. Najbolje je da tabletu popijete sa nešto vode.

#### **Trudnoća i dojenje**

**CORRIGO** tablete se ne smiju upotrebljavati u trudnoći, osim ako to doista nije nužno.

Ne preporučuje se uzimanje za vrijeme dojenja.

#### **Upravljanje vozilima i mašinama**

Ovaj lijek može uzrokovati vrtoglavice ili iscrpljenost. U tom slučaju, ne smijete voziti auto niti upravljati mašinama.

#### **Ostala upozorenja**

Ovaj lijek sadrži laktozu. Ako Vam je ljekar rekao da imate bolest nepodnošenja nekih šećera, prije nego što počnete uzimati ovaj lijek posavjetujte se sa svojim ljekarom.

#### **3. Kako uzimati CORRIGO**

Uvijek uzimajte **CORRIGO** tablete onako kako Vam je ljekar propisao. Ako niste sigurni, provjerite sa svojim ljekarom. **CORRIGO** tablete možete uzimati prije, tokom ili nakon jela, a možete ga uzimati i neovisno o obrocima. Najbolje je uzeti tabletu s nešto vode.

#### **Liječenje povišenog krvnog pritiska**

Uobičajena doza je jedna tableta (5 mg) na dan. Dozu treba, po mogućnosti, uzimati svakog dana u isto vrijeme. Učinak na sniženje krvnog pritiska očigledan je nakon 1-2 sedmice liječenja. Katkad se optimalni učinak postigne tek nakon 4 sedmice.

#### **Bolesnici s poremećajem rada bubrega**

Kod bolesnika s poremećajem rada bubrega liječenje se

preporučuje započeti s 2,5 mg nebulolola na dan. Ukoliko je potrebno, dnevna doza se može povećati na 5 mg.

#### *Bolesnici s poremećajem rada jetre*

U ovoj skupini bolesnika primjena nebulolola je kontraindicirana.

#### *Starije osobe*

Kod bolesnika starijih od 65 godina preporučena dnevna doza nebulolola je 2,5 mg. Ukoliko je potrebno, dnevna doza se može povećati na 5 mg.

#### Liječenje hroničnog zatajenja srca

Liječenje započinje dozom 1,25 mg nebulolola (1/4 tablete). Nakon 1-2 sedmice doza se može povisiti na 2,5 mg (1/2 tablete) tablete na dan, potom na 1 tabletu na dan do konačne 2 tablete na dan, sve dok se ne postigne doza koja je za Vas odgovarajuća.

Maksimalna preporučena doza nebulolola iznosi 10 mg (2 tablete) na dan. Uzimate lijek jednom dnevno, po mogućnosti uvijek u isto vrijeme.

Na početku liječenja i svaki put kada se doza bude povećavala morat ćete tokom 2 sata biti pod nadzorom iskusnog ljekara. Ne preporučuje se niti prekid liječenja nebulololom zbog mogućnosti prolaznog pogoršanja simptoma zatajenja srca. Ukoliko je potrebno prekinuti liječenje, doza nebulolola se treba postepeno smanjivati na polovicu doze svakih sedam dana.

#### *Bolesnici s poremećajem rada bubrega*

Nije potrebno prilagođavanje doze kod bolesnika s blagom do umjerno teškom insuficijencijom bubrega, dok se kod onih sa teškom insuficijencijom upotreba nebulolola ne preporučuje.

#### *Bolesnici s poremećajem rada jetre*

U ovoj skupini bolesnika primjena nebulolola je kontraindicirana.

#### *Starije osobe*

Nije potrebno posebno prilagođavanje doze kod starijih osoba.

#### **Ako uzmete više CORRIGO-a nego što ste trebali**

U slučaju predoziranja odmah kontaktirajte Vašeg ljekara tako da Vam se može smijesta pružiti medicinska pomoć. Najvjerovatniji simptomi bit će usporen rad srca, snižen krvni pritisak, grč disajnih puteva i zatajenje funkcije srca. Do dolaska ljekara, možete uzeti aktivni ugljen (dostupan u apoteci).

#### **Ako ste zaboravili uzeti CORRIGO**

Ako ste zaboravili uzeti CORRIGO tablete, a malo kasnije se sjetite da ste ga trebali uzeti, uzmite dozu za taj dan kao i obično. Međutim, ako je prošlo više vremena (nekoliko sati) tako da je blizu vrijeme uzimanja sljedeće doze, izostavite zaboravljenu dozu i u uobičajeno vrijeme uzmite sljedeću predviđenu, normalnu dozu. Nemojte uzeti dvostruku dozu. Ponovljeno izostavljanje doze, treba međutim izbjegavati.

#### **Ako prestanete uzimati CORRIGO**

Posavjetujte sa ljekarom prije nego prestanete uzimati CORRIGO. Ne preporučuje se nagli prekid liječenja nebulololom zbog mogućnosti prolaznog pogoršanja simptoma zatajenja srca. Ukoliko je potrebno prekinuti liječenje hroničnog zatajenja srca CORRIGO tabletama, doza nebulolola se mora postepeno smanjivati na polovicu doze svakih sedam dana. U slučaju bilo kakvih nejasnoća ili pitanja u vezi sa primjenom CORRIGO obratite sa svom ljekarom ili farmaceutu.

#### **4. Moguća neželjena djelovanja**

Kao i svi drugi lijekovi i CORRIGO tablete mogu izazvati neželjena dejstva, iako se ona neće pojaviti kod svih bolesnika. Pacijenti uopšteno dobro podnose liječenje sa nebulololom.

Moguća neželjena dejstva pri uzimanju CORRIGO tableta za liječenje povišenog krvnog pritiska:

**Česta neželjena djelovanja** (kod više od jedne na svakih 100, ali kod manje od jedne na svakih 10 liječenih osoba):

- Glavobolja
- Vrtoglavica
- Umor
- Neuobičajeni svrbež ili peckanje
- Proljev
- Zatvor
- Mučnina
- Kratkoća daha
- Otečene ruke ili stopala

**Manje česta neželjena dejstva** (kod više od jedne na svakih 1000, ali kod manje od jedne na svakih 100 liječenih osoba):

- Usporeni otkucaji srca ili druge srčane smetnje
- Nizak krvni pritisak
- Bol pri hodanju nalik grču
- Nenormalan vid
- Impotencija
- Osjećaj depresije
- Probavne smetnje (dispepsija), plinovi u želucu ili crijevima,

povraćanje

- Kožni osip, svrbež
- Nedostatak zraka kao kod astme, zbog iznenadnih grčeva mišića koji okružuju disajne puteve (bronhospazam)
- Noćne more

**Vrlo rijetka neželjena dejstva** (kod manje od jedne na svakih 10 000 liječenih osoba):

- Nesvjestica
- Pogoršanje psorijaze (kožna bolest- ružičaste mrlje koje se ljušte)

Sljedeća neželjena dejstva su prijavljena u izoliranim slučajevima tokom liječenja nebulololom:

- Alergijske reakcije cijelog tijela sa generaliziranim kožnim promjenama (reakcije preosjetljivosti)
- Naglo otekuće, posebno oko usana, očiju ili jezika sa mogućim iznenadnim otežanim disanjem (angioedem)
- Vrsta kožnog osipa sa svijetlo crvenim uzdignućima koja svrbe, alergijske ili nealergijske prirode

Neželjena djelovanja uočena u kliničkom ispitivanju hroničnog zatajenja srca:

**Vrlo česta neželjena dejstva** (kod više od jedne na svakih 10 liječenih osoba):

- Usporeni otkucaji srca
- Omaglica

**Česta neželjena djelovanja** (kod više od jedne na svakih 100, ali kod manje od jedne na svakih 10 liječenih osoba):

- Pogoršanje zatajenja srca
- Nizak krvni pritisak (npr. osjećaj nesvjestice pri naglom ustajanju)
- Nemogućnost podnošenja ovog lijeka
- Vrsta blagog poremećaja provodljivosti srca, koji utiče na srčani ritam (AV-blok prvog stepena)
- Oticanje nogu (poput otečenih gležnjeva)

Prijavljivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceutu. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

#### **5. Kako čuvati CORRIGO**

**CORRIGO** morate čuvati izvan dohvata i pogleda djece. Čuvajte **CORRIGO** na temperaturi do 25°C u originalnom pakovanju.

**CORRIGO** ne smijete koristiti nakon isteka roka upotrebe navedenog na pakovanju!

Rok trajanja lijeka je 3 godine od datuma proizvodnje koji je naznačen na pakovanju lijeka.

Rok trajanja se odnosi na zadnji dan navedenog mjeseca. **CORRIGO** se ne smije uklanjati putem otpadnih voda ili kućnog otpada. Pitajte svog apotekara kako ukloniti lijekove koje više ne trebate. Ove mjere pomoći će u zaštiti okoliša.

#### **6. Dodatne informacije**

**Šta CORRIGO sadrži**

Svaka tableta sadrži 5 mg nebulolola, u obliku nebulolol hidrohlorida, kao aktivnu supstancu.

Pomoćne supstance: laktoza monohidrat, mikrokrystalna celuloza, kroskarmeloza natrij, povidon, poloksamer, magnezij stearat.

#### **Kako CORRIGO izgleda i sadržaj pakovanja**

**CORRIGO** tablete su bijele, uniformne, okrugle, sa diobenom crtom na jednoj strani.

30 (3x10) tableta od 5 mg u blister pakovanju, u kutiji.

**PROIZVOĐAČ/PROIZVOĐAČ GOTOVOG LIJEKA/NOSILAC DOZVOLE ZA STAVLJANJE LIJEKA U PROMET:**

ZADA Pharmaceuticals d.o.o.

Donji Bistarac bb

75300 Lukavac, Bosna i Hercegovina

#### **Režim izdavanja lijeka**

Lijek se izdaje na ljekarski recept.

**Broj i datum rješenja o odobrenju za stavljanje lijeka u promet:**

**CORRIGO 30x5 mg tableta:** 04-07.3-1-4439/18 od 23.07.2020.

**Datum zadnje revizije teksta:** Oktobar, 2019.